



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SETSWANA PUOTLALELETSO YA NTLHA (FAL)

PAMPIRI YA BORARO (P3)

2019

MADUO: 100

NAKO: Diura di le 2½

Pampiri e, e na le ditsebe di le 6.

DITAELO LE TSHEDIMOSETSO

1. Pampiri e, e arogantswe ka DIKAROLO di le THARO:

KAROLO YA A: Tlhamo (50)

KAROLO YA B: Ditlhangwa tse dileele tsa tirisano gammogo le ditlhangwa tse di dirisang mekgwa e e farologaneng ya tlhaeletsano. (30)

KAROLO YA C: Ditlhangwa tse dikhutshwane tsa tirisano. (20)

2. Araba potso e le NNGWE go tswa mo KAROLONG NNGWE le NNGWE.

3. Kwala ka puo e o tlhatlhobiwang ka yona.

4. Simolola KAROLO NNGWE le NNGWE mo tsebeng e NTŠHWA.

5. Kwala letlhomeso (sekao, mmapa wa dikakanyo/sethalo/tšhate/mafoko a a kaelang, jalo le jalo), siamisa diphoso le go buisa tiro ya gago gape. Letlhomeso le kwalwe PELE o simolola go kwala tlhamo.

6. Tirokwalo ya ipaakanyo yotlhe e tshwanetse go tlhagelela sentle. Thala mola o o sekaganyang go supa fa tirokwalo e le ya ipaakanyetso.

7. Tiriso ya nako e e tshitshinngwang ke:

KAROLO YA A: Metsotso e le 80

KAROLO YA B: Metsotso e le 40

KAROLO YA C: Metsotso e le 30

8. Dinomoro tsa dikarabo di tlhagelele jaaka di ntse mo pampiring ya dipotso.

9. Naya karabo NNGWE le NNGWE setlhogo se se maleba.

10. Setlhogo ga se a tshwanela go akarediwa mo palong ya mafoko a a tlhokegang.

11. Kwala sentle ka mokwalo o o buisegang.

KAROLO YA A: TLHAMO**POTSO 1**

Kwala tlhamo ya boleele jwa mafoko a a ka nnang 250–300 ka NNGWE fela ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se neele setlhogo. O se ke wa lebala go thala letlhomeso/lenaneopaakanyo PELE o kwala.


- 1.1 Bogatlapa ba me, bo ne ba nthusa. [50]
- 1.2 Ke nako, thuba tidimalo! [50]
- 1.3 E ne e se maikaelelo a me. [50]
- 1.4 Fa nkabo ke itsitse ... [50]
- 1.5 Moithuti mongwe le mongwe o tlhoka tshegetso ya barutabana le batsadi. [50]
- 1.6 Boineelo ke selo se se botlhokwa mo mothong. [50]
- 1.7 Lebelela ditshwantsho tse di latelang, mme o tlophhe se le SENGWE go kwala tlhamo. Naya tlhamo ya gago setlhogo.

1.7.1

[Se nopotswe go tswa mo www.google]

[50]

1.7.2



[Se nopotswe go tswa mo www.google.keys]

[50]

PALOGOTLHE YA KAROLO YA A:

50

**KAROLO YA B: DITLHANGWA TSE DILEELE TSA TIRISANO GAMMOGO LE
DITLHANGWA TSE DI DIRISANG MEKGWA E E
FAROLOGANENG YA TLHAELETSANO**

POTSO 2

Araba potso e le NNGWE fela mo karolong e. Karabo e nne boleele jwa mafoko a a ka nnang 120–150.

2.1 LEKWALO LA BOTSALANO

O ikaegile ka setshwantsho kwalela tsala ya gago lekwalo o mo anegele ka se se diragetseng fa lo ne lo le kwa dikgaisanong tsa mabelo.



[Se nopotswe go tswa mo inthaneteng]

[30]

2.2 ATHIKELE YA LOKWALODIKGANG

Kgwebo ya diritibatsi e godile ka lebelo le le gaisang mo nageng. Kwala athikele ya lokwalodikgang ka bagwebi ba ba diritibatsi.

[30]

2.3 PUO

Go na le morutabana yo o digelang/rolang tiro ya gagwe ya go ruta ka ntlha ya botsofe. Kwala puo e o tla neelanang ka yona mo boemong jwa baithuti mo letsatsing le morutabana a tla bong a tsamaya ka lona.

[30]

2.4 TSA BOTSHELO JWA MOSWI

Tsala ya gago e tlhokafetse mo kotsing ya sejanaga, mme ba losika ba go kopile go ba kwalela tsa botshelo jwa moswi. Kwala tsa botshelo jwa moswi.

[30]

PALOGOTLHE YA KAROLO YA B: 30

KAROLO YA C: DITLHANGWA TSE DIKHUTSHWANE TSA TIRISANO**POTSO 3**

Araba potso e le NNGWE fela mo karolong e. Karabo e nne boleele jwa mafoko a a ka nnang 80–100.

3.1 DITAELO

Go tla bo go na le khonserata ya mmimo wa baithuti kwa Taung. Kwala ditaelo tse diopedi di tshwanetseng go di sala morago fa di goroga kwa lefelong la dikgaisano.

[20]**3.2 PHASALATSO**

Setlamo sa Coca-Cola se titietse dinotsididi tse dintšhwa monongwaga. Thala phasalatso e e tla ngokang banwi ba dinotsididi go tla go nna le seabe mo go di utlweleleng.

[20]**3.3 POSEKARATA**

O tlhophilwe ke ratoropo wa lona go ya go emela bašwa ba motse wa gaeno kwa dipuisanong tsa palamente. Kwalela tsala ya gago posekarata o mo itsise ka ga ditiragalo tsa koo.

[20]

PALOGOTLHE YA KAROLO YA C:
PALOGOTLHE YA TLHATLHOBO:

20
100